

經部

欽定四庫全書

無部

詳校官監察御史臣左 周 刑部即中臣許兆椿覆勘 校對官助教臣沈然村官進士日来 總校官進士 臣 腾錄監生 孫廷機

培

簳

とこうこと これう 明道曰仲尼言仁未當兼義獨于易曰立人之道曰 也知義之為用而不外馬可與語道矣世之所論於 仁與義而孟子言仁必以我配盖仁者體也義者用 孟子精義 宋朱子 撰

金月 四唐 石雪 害未有仁而遺其親未有義而後其君便是利仁義 近 以利為心則有害在如上下交征利而國危便是有 伊川曰君子未嘗不欲利孟子言何必曰利者盖只 義者多外之不然則混而無別非知仁義之說者也 未嘗不利 又曰盆之上九曰莫益之或擊之立心 勿恒凶盖利者聚人之所同欲也專欲益已其害大 日萬取千馬千取百馬齊語謂某處取某處遠

Nallowal Like 求益之極衆人之所共惡於是莫有益之而或攻擊 魘誠哉是言也大凡人之存心不可專利上九以剛 而 仇夫子曰放於利而行多怨孟子謂先利則不奪不 之矣故聖人戒之曰立心勿恒乃凶之道也謂當速 矣欲之甚則昏蔽而忘義理求之極則侵奪而致怨 豈不是富國之所存馬横渠先生曰克夫抑上富強 強兵後待做甚以為非是此言安足諭人主如周禮 伊川先生論范堯夫對上之詞言陛下富國 孟子精義

到片四唐全書 楊曰君子以義為利不以利為利使民不後其君親 國 可入聖賢之晚人不如此之拙如梁惠王問何以利 則 利為事則不奪不養矣知仁而不遺其親知義而不 户口 梁惠王以利 國為言而孟子對以仁義者首以 後其君則為利也博矣盖子所以拔本塞源而救其 說正猶為漢武帝言神仙之學長年不足惜言豈 則說利不可言之理極言之以至不奪不麼 國治矣利孰大馬故曰亦有仁義而已何必曰利

孟子見梁惠王王立於沿上章 て こうここ こよう 横渠曰不賢者民將去之故不保其樂也 楊曰人君當樂民之樂臺池鳥獸豈足樂哉、又曰 樊此聖賢之心也彼以利而不知仁義其害豈有既 梁王顧鴻雁麋鹿以問孟子孟子因以為賢者而後 樂此至其論文王夏桀之所以異則獨樂不可也世 之君子其賢者乎則必語王以憂民而勿為臺沼死 孟子精義

|動定四庫全書 囿之觀是拂其欲也其依者乎則必語王以自樂而 非 賢者而後樂此不賢者雖有此不樂也告君之道當 尹曰麋鹿魚鼈皆遂其性則與民偕樂也可知美曰 化馬而不自知夫如是其在朝廷則可以格君心之 孟子之言常于毫髮之問剖析利害之所在使人君 廣其侈心是縱其欲也二者皆非能引君以當道惟 然其意深切矣 而其言易行也

梁惠王曰寡人之於國也董 KIE DIEL WOLLD 之二百五十畝猶不足農之勤惰相懸乃如此 也故可供有不足者又有補助之政又有鄉黨賜救 古者百畝今四十一畝若以地土計之所収似不足 以今之四十一畝之田八口之家可以無飢今以古 伊川曰古者百步為畝百畝當今之四十一畝也古 亦少有一家九人者只十六已别受田其餘皆老少 以供九人之食曰百畝九人固不足通天下計之則 成于精美 問

金グロろ 楊曰移民移栗荒政之所不廢也不行先王之道 而 庶既富然後以飽食埃衣而無教為不可故教之也 以為政徒法不能以自行便先從養生上說将去既 之義故亦可足 徒以是為盡心宜孟子之不與也夫有仁心仁聞而 下至使民養生丧死無憾者仁心仁間而已未及為 民不被其澤者不行先王之道故曰自不違農時而 也故為王道之始自五故之宅而下至黎民不饑不 又曰孟子論王道便實徒善不足

欠らもり」を かかっ 謂也 寒此制民之産先王之政也如是而後王道成矣故 而欲民之多於鄰國又歸罪於山歲其不知本也甚 尹曰孟子所言王道之始也梁惠王不知出于王道 心仁間是謂徒法徒法不能以自行二者不可偏舉 政是謂徒善徒善不足以為政行先王之道而無仁 曰不王者未之有也夫有仁心仁聞而不行先王之 故曰竟舜之道不行以仁政不能平治天下此之 孟子精美

金少吃屋有量 梁惠王曰寡人願安承教章 **美反以孟子為迂潤而不見用哀哉** 楊 塑像先生令轉椅勿背霖問曰豈不以其徒 用人君子無所不用其敬見似人者不忽則 象人而用之者也盖象人而用之其流公至 因貴此 故亦當敬耶 口翟 霖送伊川先生西遷道宿僧舍 語曰孔子云 伊川曰但具人形貌便不當慢 始作 俑者其無後乎為其 坐處 チ 背

,洪惠王曰晉國天下莫強馬章 欠之日日 全世司 其為民父母 尹曰為政之不善一至於此不能遵王道故也惡在 于輕忽人 尹曰古之聖人地方百里而可以王今惠王據有大 敵豈力不足哉惑而不為馬耳 國而反敗辱馬不能施仁政而遵王道故也仁者無 人可知矣若于似人者而生慢易之心其流 必至 孟于精義

金岁四月八四十 孟子見梁襄王章 齊宣王問日齊桓晉文之事章 尹曰戰國之際干戈相勝非救民於亂者也殺人而 明道曰得天理之正極人倫之至者克舜之道也用 已矣欲天下之定于一可乎 其私心依仁義之偏者霸者之事也王道如砥本乎 死 側于曲 逕之中而卒不可與入克舜之道故誠心 情出乎禮義若履大路而行無復回曲霸者崎嘔

次定四車全書 而王則王矣假之而霸則霸矣二者其道不同在審 霸者之心而求王道之成是街石以為玉也故仲尼 其初而已易所謂差若毫釐繆以千里者其初不可 之徒無道桓文之事而曾西恥比管仲者義所不由 不能移異端不能惑故力進于道而莫之禦也茍以 不審也故治天下者必先立其志正志先立則邪說 伊川曰孔子之時諸侯甚強大然皆周所封建也周 也况下于霸者哉 孟子精美

告諸侯不同君子之救世時行而已矣 又曰孔子 之典禮雖甚廢壞然未泯絕也故齊晉之霸非挾尊 王則獨夫也故孟子勉齊梁以王者與孔子之所以 王之義則不能自立至孟子時則異矣天下之大國 下之義主也民以為王則謂之天王天子民不以為 法以尊周為本至孟子時七國爭雄而天下不知有 之時周室雖微天下諸侯尚知尊周為美故春秋之 非周所命者四先王之政絕而澤竭矣夫王者天

者此せ 楊曰齊宣見孟子於雪宮曰賢者亦有此樂乎而孟 盖王者天下之義主也故孟子所以虧齊之可以王 周然而生民塗炭諸侯是時能行王道則可以王矣 王云爾聖人則不待推 改廢其繩墨故曰無已則王乎 又曰管仲為政于 其君於當道則桓文事不足為也已大匠不為拙工 子對以晏子之言則霸者之事非無傳也孟子務引 又曰古人善推其所為而已矣此特告齊 益子精美

飲定匹庫全書 者事故仲尼之徒無道桓文者嬖奚與王良東王良 齊足以合請侵而正天下其功足録也然學當為王 日吾為之範我馳驅於日不獲一為之說遇一朝而 正類是與 又曰為天下舉斯心加諸彼而已其王 獲十管仲之功曾西未必能為之然管仲之功能遇 也熟與馬然雖有仁心仁間而民不被其澤者不行 先王之道故也故又以制民之産告之使民不飢不 能遇而得禽獸雖若丘陵弗為也曾西羞比管仲

ス・フ・ハー ハルラ 皆所以擴其善心而格其非不止就事論事如齊王 寒而後日不王者未之有也 其君 使為人臣者論事每如此而其君肯聽豈不能竟舜 同樂論王之好貨好勇好色而陳周之先王之事若 之爱牛而曰是心足以王論王之好樂而使與百姓 就心上做工夫 矣此言極好心街明且正何所施而不可學者須是 久日孟子之道其要在心街如是心足以王 問將順其美後世之說或成阿諛 孟子精義 又曰孟子與人君言

謂將順 又曰詳味此一章可見古人事君之心 恐是引其君以當道曰然此正如孟子所謂是心足 及人之幼孔子曰老者安之朋友信之少者懷之則 欲以羊易牛乃所以為仁引之使之王政之可為是 以王若曰以小易大則非其情以為見斗未見羊而 無待乎推矣又曰中庸發明忠恕之理正孟子所謂 又日善推其所為者老吾老以及人之老幼吾幼以 善推其所為者乃是參彼已為言若知孔子以能近

新定匹庫全書

Para land 尹曰仲尼之徒無道桓文之事者以其不務本而求 取譬為仁之方不謂之仁則知此意 子務引其君以當道志於仁者率此類也夫亦在乎 末故也觀此一章曲盡其理患不能推而行之耳孟 為之而已矣 孟子特美

飲定四庫全書 莊暴見孟子章 深惠王章句下 孟子精美卷二 此者盖樂者天地之和也而樂以和為主人和則氣 音則不知倦則今樂與古樂因異矣而孟子之言如 楊曰魏文侯曰端冕而聽古樂則唯恐卧聽鄭衛之 孟子精美 宋 朱子 撰

欠二/可言 /山上可

金与四月 有電 齊宣王問曰文王之囿章 告之以此姑正其本而已 舉疾首蹙額雖奏以咸音部獲無補于治也故孟子 尹曰王者之所以王者得民心而已推己之心以及 和無和則天地之和應之矣使人間鐘鼓管放之音 尹曰文王之囿與齊宣王之囿一也不與民共之則 是害民而已矣 民與民同樂則王天下也熟樂哉

決定四車全書 齊宣王問曰交隣國有道乎童 理者也 伊川曰凡人有所計較者皆私意也孟子曰唯仁者 吕曰畏天者以人畏天天人未合樂天者天人已合 為能以大事小仁者欲人之善而於人之惡不計較 尹曰仁者之心至公也智者之心用謀也以大事 天道在已 小大強弱而事之故能保天下犯而不較亦樂天順 走子精茂

齊宣王見孟子於雪宫章 楊曰憂民之憂民亦憂其憂樂民之樂民亦樂其樂 則樂天而無不覆載以小事大則狭隘而私于 事巡所守述所職首耕飲皆民事也故齊景公作君 矣 民惟恐君之不好勇也若夫按剱疾視則其小勇陋 仁者之心知者之心于此殊矣能法文武之用心則 出乎爾者及乎爾理之固然也 又曰角為民徵為 國

齊宣王問曰人皆謂我毀明堂童 **砂定四車全書** 臣相說之樂曰徵招角招也 或謂孔子尊周孟子欲齊王行王政何也伊川曰譬 宣不能推而用之惜哉 尹曰君之與民貴賤雖不同而心則未始有異也孟 子所以力陳其說使晓然易知其言可謂深切矣齊 何心視天命之改與未改爾 樹有可栽培之理則栽培之不然須別種聖賢 上 孟子精美

楊日智仁勇天下之達徳也智知之仁守之勇行之 陳古之善而閉其邪心引之于當道也其自謂齊人 導之則應乎其通諸海也故以公劉太王之事告之 則安天下無足為者矣若夫好質好色則生於人君 水 逆行中流而遏之其患必至于决溢因其勢而利 之邪心不可為也然而孟子不以為不可者盖譬之 王以是為有疾故孟子告以文武之事使廓而大之 三者闕一馬非達德也則人君固不可無勇矣而齊

ela. 10 and land 莫如我敬王者以此易之股曰遇主於老亦斯之謂 謂繼述两字自好但今用之非是當時自合說與真 箇道理且好貨好色孟子猶不鄙其說而推明之况 述之說始於記所稱武王周公今且舉周公事明 上有繼述之意豈容無所開道而使小人東問認為 文王耕者九一周公則更而為徹文王關市議而不 犯說以進則其末流激成今日之與不足怪矣夫繼 謂以上合下便執得繼述两字牢更不可易予 孟子精義 吗

多片四盾有量 征 惟求一箇是成道理若果是雖紂之政有所不革果 七 年制禮作樂告者武王所由之政安在聖人作處 天下安利而已且如神考十九年間艱難勤苦制為 與則其事此獨不當繼述乎今繼述足以救時與便 法度盖欲以救時與便百姓也便百姓則其志救時 百姓也是亦神考而已釋此不務乃欲一二以循熙 周公則征之武王克商乃及商政政由舊建周公 雖文武之政有所不因聖人何所容心因時東理

大小 Dual /udun 豐之迹不然則為不孝此何理也且如祖宗天下百 變豈常人做得然而法度不免有與者時使之然耳 代禍亂極矣太祖太宗順人心定天下傳數世而無 為不孝乎今之所患但自不敢以正論陳之於上恐 若謂時使之然則神考之法豈容獨能無與補偏救 與是乃神,考所以望乎後世也何害于繼述而顧以 之神考亦知要是而已謂之不孝可乎自唐宋至五 有餘年海內安樂其法度豈不皆善神考一起而更 孟子精美

金子正是人門 孟子謂齊宣王曰王之臣章 處 勝他識道理人不過如戰國說士遇孟子便無開口 有好嫌若吾輩于朝廷須是如此說始得中聽不聽 引其君矣 尹曰孟子之不欲毁明堂欲齊王之行王政也文王 則有去就之義爲議論不知道理所在徒有口辯 之政公劉之好貨太王之好色皆指事而言可謂善 则

孟子見齊宣王曰所謂故國者章 横渠曰國君進賢如徇從人情不得已而進之則貪 楊曰國人皆曰可殺然後殺之則殺之者非一人之 妄者日益進於上庶耻之人及屈于疏賤矣 矣至於四境之不治則恥于自責此齊宣所以終不 尹曰太之失友道士 師失其職齊宣王既明知其罪 呂曰世臣如畢公弱亮四世之類 足與有為也

Program Linking

适予精義

ᆺ

多分四月分言 賢馬然後用之則人君之權豈可為人所分然孟子 威柄此固是也書稱湯曰用人惟己而孟子亦曰見 問或謂人主之權當自主持是否曰不為臣下奪其 私意不得已也古者司鬼以獄之成告於王王三宥 之論用八去人殺人雖不聽左右諸大夫之毀譽亦 公天子以好生為使有司以執法為公則刑不濫矣 之然後致刑夫宥之者天子之德而刑之者有司之 不聽國人之言因國人之公是非吾從而察之必有

齊宣王問曰湯放禁章 New Young to the 意為之亦必終為人所感不能固執矣 之有哉是以國君進退羣臣必審于國人之論而不 君之務執大於是 自恃也苟用此道則賢否判然人不可得而欺矣人 取人苟不詳審則好惡必不公為害甚大尚何世臣 尹曰世臣則累世修徳必能輔君以道而可則者也 見馬而後行如此則權常在我若初無所見姑信已 五子精美

孟子謂齊宣王曰為巨室章 楊曰三仁未去紂非獨夫也三仁去則天下不以為 君矣是誅一夫也何弑君之有世儒有謂湯武非聖 伊川曰夫人幼而學之將欲成之也既成矣將以行 其智不足以知聖人而妄論之耳 产日孟子為當時而言以警戒時君也 之也學而不能成其學成而不能行其學則烏足貴 人也有南史之筆則鳴條牧野之事當書曰篡弑盖

銀片四庫全書

齊人伐燕勝之章 沙定四車全事一个 哉 如此 楊曰此皆好臣其所教而不好臣其所受教故其言 尹曰孟子之卒不得有為於國盖類是也 楊曰民之去熊猶避水火也故單食壺漿以迎王師 齊王又殺其父兄係累其子弟是水益深火益熟矣 民將復避之也故曰亦運而已運者及復運轉之 五子精 美

也 武王之取天下以為累于利而可乎孟子之言曰 故也所謂不累于厚利者三分天下有其二以服事 之而熊民說則取之古之人有行之者武王是也取 殷所謂不累于髙名者有其一而弗解果如此言則 其取天下何難之有而文王勿取者視天而己初無 此論盡矣盖文王所謂至徳者三分天下有其二矣 之而燕民不悦則勿取古之人有行之者文王是也 又曰或謂文武所謂至徳以不累於髙名厚利 取

大足可事人生事 眾有不悦之言憚勞而已若夏之人則不然曰時日 衆以為我后不恤我衆舎我橋事而割正夏而湯告 服事紂是聖人之清者也此亦非也湯之代桀雖其 以必往是聖人之任者也文王三分天下有其二以 用心於其間也夫是之謂至德或又曰湯之伐無也 以迎王師湯雖不往不可得矣文王之時紂猶有天 曷喪子及汝皆亡故攸祖之民室家相慶簞食壺聚 下三分之一民猶以為君則文王安得而不事之至

于武王而受罔有悛心賢人君子不為所殺則或為 而文王非樂為清也會逢其適而已 古之人有行之者武王是也由此觀之湯非樂為任 古之人有行之者文王是也取之而庶民悦則取之 囚奴或去之他國紂之在天下為一夫矣故武王誅 之亦不得已也孟子不云取之而熊民不悦則勿取 **具是美如水益深如火益熱亦運而已矣孟子所以** 尹曰文王武王之用心凡以為 民也齊人之伐熊 則

欠足可事全事 滕文公問曰滕小國也章 鄒與魯関章 由取之不以其道故也 尹曰湯以上十里為政于天下而齊以十里畏人者 深告之而宣王未之思也 尹曰孟子引曾子之言曰戒之戒之出乎爾者及乎 爾者也可謂知所本矣民心其可強之乎 伐熊取之章 孟子精義

滕文公問曰齊人將築薛童 横渠曰使民救死則政教可為 横渠曰所為善故可繼續而行變部一時君子不為 尹曰齊人將築薛而滕文公恐五子以太王居郊告 守之效死勿去孟子言其正也 尹曰事無理之國以求 苟安宣人君之用心哉與民 馬繼之以強為善可謂能自盡也文公恐懼而不 無取法也

滕文公問曰滕小國也童 欠五日十五十 而去之守宗廟者天子之職也竟舜則以天下與人 伊川曰眾人必當就禮法自大賢以上則看他如何 楊曰國君死社稷故告之以效死勿去正也至其甚 道大抵使人循禮法而已 不可以禮法拘也且守社稷者國君之職也太王則委 自強異乎太王矣 如三聖賢則無害他人便不可然聖人所以教人之 孟子精美

恐則以太王去邻之事告之非得已也然君子創業 垂統為可繼亦在强為善而已故太王去你民從之 孟子直是知命滕文公以齊人築薛為恐問救之之 亡則不若效死勿去之為愈也故又請擇於斯二者 從之哉然滕文公未必能如太王也使其去國而遂 國 街而對以君如彼何哉殭為善而已矣以竭力事大 如歸市不知為善而去國則民將適彼樂土矣尚誰 則不得免問安之之道而對以太王居邻不之其、

魯平公將出章 儀泰之為矣凡事求可功求成取必于智謀之末而 所養者害人而繼之以效死勿去之策自世俗觀之 尹曰 無太王之德則民不應之矣尚孰肯從之哉 當 可謂無謀矣然以理言之只得如此說舍此則必為 不循天理之正者非聖賢之道也天理即所謂命 是時不知民心之向背徒知強弱之相陵故孟子必 以人心向背言之

ところう かかう

孟子精美

楊曰孟子之遇不遇治亂與衰之所繁天實為之非 毁之孟子歸之天可謂知命矣 户口聖賢之進退出處有禮義存馬嬖人知賢而問 孟子精義卷二 人之所能也夫何怨尤之有

欽定四庫全書 公孫丑問曰夫子當路於齊章 公孫丑章句上 C/a./Disal Kithin 或問曾西不為管仲而於子路則曰吾先子之所畏 孟子精義卷三 伊川曰地不改闢民不改聚只修治便是了 或曰羞管仲之所已為慕子路之所未就此說是否 孟子精美 朱子 撰

多是四年全世 楊氏曰孔子曰由也千東之國可使治其賦也使其 所不逮也然則如之何曰管仲之功子路不必能之 見于施為如是而已其于九合諸侯一匡天下固有 當時夷狄横而中國微桓公獨能如此故孔子曰微 耳曾西仲尼之徒也盖不道管仲之事 或問曰衛 然子路壁之御者則範我馳驅者也若管仲盖說遇 於王室為近懿公為狄所滅齊桓公攘戎狄而封之 管仲吾其被髮左衽矣為其功如此也觀晉室之亂

此 劉石相繼而迭起當是時只為無一 其功不可謂不大自王道觀之則不足以為大也今 請安得遂至横行乎如小雅盡廢則政事所以自 者俱亡四夷安得而不交侵中國安得而不做方是 日必也以天保以上治内以采薇以下治外雖有弗 規模自別見得孔孟作處則管仲自小曰孔孟如 人只為見管仲有此功故莫敢輕議不知孔孟有為 然則管仲之功後世誠難及也曰若以後世論之 管仲故顛沛如 治 何

からいてのようという

孟子精美

金月四個八丁里 時縱能救之于己亂雖使中國之人不至被髮左衽 輕鄙之者盖以非王道不行故也曰然則孔子何為 盖猶賢乎周衰之列國耳何足道哉如孟子所以敢 有用處曰若不使他自為或不肯退聽時如何曰 否曰管仲高才自不應廢但紀綱法度不出自他儘 深取之曰聖人之于人雖有毫末之善必録之而况 於仲乎若使孔子得君如管仲則仲之事盖不暇 問 如管仲之才使孔子得志行乎天下還用之 為

仲亦有是處但其意別耳如代楚事責之以包茅不 此則聖人廢之不問其才因言王道本於誠意觀管 院給病者醫樂人賴以活甚衆其置物業則厚其直 周專封之事仲豈宜為之故孟子曰五霸假之也盖 楚尊齊耳尊齊而不尊 周管仲亦莫之詰也若實尊 貢其名則是若其意豈為楚不勤王然後加兵但欲 及其收息則視眾人所取而輕之此皆是好事只為 言其不以誠為之也今蕪州朱冲施貧度僧置安樂

大江日日 王里司

•

孟子精美

一年 日日 八十二 其意正在于規利而竊譽于人故人終不以好人 仲只為行詐故與王者別若王者純用公道而已或 獸雖若丘陵弗為之意則管仲自然不足道又言管 見他不破近世儒者如荆公雖知卑管仲其實亦識 其意亦猶此也又言自孟子後人不敢小管仲只為 曰呂吉甫云管仲今人未可輕議之如論語稱管仲 他未盡况于餘人人若知王良羞與嬖奚吃而得禽 之仲尼之門無道桓文之事而孟子直截不比數之

為可謂高美如仲者但不如孔子耳何可輕議日此 奪伯氏駢邑三百飯疏食沒齒無怨言則其所能所 以不為又曰自古祖部之徒皆知義足以勝利然不 未見管仲小器之實也若管仲只不如孔子曾西何 為利疾而遷者幾希如管仲不知義故所為多假義 子一人守得定 而行自王者之迹熄天下以訴力相高故常獨于利 而不知反由孔子而後為夫國家不以利言者唯孟

Karant himmen

孟子精義

多好四月一十二 公孫丑問曰夫子加齊之卿相章 明 又曰公孫丑問孟子加齊之卿相恐有所不勝而動 則能無畏懼而動心乎故孟子曰否我四十不動心 道曰公孫丑謂夫子如齊之卿相得行道馬如此 問 川曰自信則無所疑而不動心公孫且不知孟子 又曰不動心有二有造道而不動者有以義 卷三

制心而不動者此義也此不義也義吾所當取不義

ところいる かかけつ 彼者也茍為造道而心不動馬則所以敵物者不賴 自中非有所制也此不動之異 人曰勇者所以敵 動 勇而裕如矣 吾所當捨此以義制心者也義在我由而行之從容 明道曰君子道宏故可大受而不可小了知測此孟 伊川曰不動心有道如數子者皆中有所主便心不 子所以四十 不動心小人反是 又曰北宫點之勇必行孟施舎無懼子夏之勇 7 孟子精美

動员四周月潭 本不可知却因北宫熟而可見子夏是篤信聖人而 官熟或未能無懼故熟不如施舎之守約也子勇信 明道曰北宫默要之以必為孟施舍推之以不懼北 力行曾子是明理 在于必為孟施舎之勇能于無懼子夏篤志力行者 也曾子明理守約者也 只是直又問曰北宫點似子夏孟施舍似曾子如何 道曾子明理故二子各有所似 又曰北宫默之勇 卷三 或問自及而縮如何曰縮

Character Control 曰北宫默之養勇也必為而已未若舎之能無懼也 伊川曰勇一也而用不同有勇于氣者有勇於義者 勇同 約為約故以熟似子夏含似曾子也 又曰北宫 點 約也曾子之所謂勇乃守約守約乃義也與孟子之 之勇氣亦不知守也孟施舎之勇知守氣而不知守 無懼則能守約也子夏之學雖博然不若曾子之守 君子勇于義小人勇於氣 又曰不得于言勿求於 孟子精義 六

動方四月八十二 心不可此觀人之法心之精微言有不得者不可便 言失中心不動亦不妨 又曰人必有仁義之心然 謂不知此告子淺近處 可也 後仁與義之氣眸然達於外故不得於心勿求於氣 明道曰不得于言勿求于心不可養氣以心為主岩 伊川曰志氣之帥不可小觀 又曰志氣之即若論 浩然之氣則何者為志志為之主乃能生浩然之氣

シショ車全書 内外交相養也 明道曰持其志使氣不能亂此大可懸要之聖賢必 志至馬魚次馬自有先後 之道無如敬以直內 不害心疾 又曰學者為氣所勝習所奪只可責起 或問人莫 矣今之人以恐懼而勝氣者多矣而義理勝氣者鮮 又曰人患乎惼怯者盖氣不充不素養故也 又曰率氣者在志養氣者在直內切要 孟子精義 又曰志有不克一無則慣亂 又曰持其志無暴其氣

金ラいたノー 不知和桑寬緩然臨事則反至於暴厲先生曰只是 志者十一 持國曰凡人志能使氣者能定其志則 志不勝氣氣反動心也 又曰壹與一字同一動魚 已堅定則氣不能動志 又曰志動氣者十九無動 則動志一動志則動氣為養氣者言也若成德者志 亦是也然志動氣者多氣動志者少雖氣亦能動志 **無然亦不可不思無一則動志非獨趨骤樂也酒也 氣為吾使志一則動氣矣先生曰誠然矣志一則動**

次上の上見上上 然學者不恁地不得 又曰告子不得于言勿求於 氣两事也志再一則動氣氣再一則動之然走動氣 心盖 不知義在內也志帥氣也持定其志無暴亂其 然亦在持其志而已因論持先生可只這箇也是私 為多且若志專在淫僻豈不動氣無專在喜怒豈不 日孟子知言便是知道 又曰孟子曰我知言孟子 動志故歌者趨者及動其心志者心之所之也 不欲自言我知道耳 又曰孟子知言正如人在堂 孟子精義

多分でたろう 上方能辨堂下人曲直若自下去堂下則却辨不得 孟子所謂知言是也揆之以道則是非了然不待精 伊川曰心通乎道故能辨是非如持權衡以較輕重 思而後見也學者當以道為本心不通於道而較古 是以必有諸已然後知言知言然後能格物而窮理 又日知言之善惡是非乃可以知人孟子所謂知言 智雖使時中亦古人所謂億則屢中君子不貴也 人之是非猶不持權衙而較輕重竭其目力勞其心

欲言我知道故以知言養氣答之 問橫渠言由明 言無以知道也此是答公孫丑夫子爲乎長之問不 言始于格物伊川一本作知 我善養吾浩然之氣只我知言一句已盡橫渠之言 却是由誠以至明則不然誠即明也孟子曰我 知言 以至誠由誠以至明此言如何曰由明以至誠此句 子養氣一言諸君宜潛心玩索須是實識得方可勿 不能無失類若此 又曰知言然後可以養無盖不知 又曰學者須要知言 又曰孟

大小 Paral Antero

孟子精義

養無物又養箇甚麼浩然之氣須見是一箇物如顏 見得方可 **总勿助長只是養氣之法如不識怎生養有物始言** 子言如有所立卓爾孟子言雖如也卓如雖如分明 在天也盖上天之載無聲無臭其體則謂之易其理 明道曰忠信所以進徳於日乾乾君子當終日對越 則為之道其用則謂之神其命于人則謂之性率性 謂之道修道則謂之教孟子去其中又發揮出浩

小大事而只曰誠之不可拚如此夫徹上徹下不過 然之氣可謂盡矣故說神如在其上如在其左右 曼卿詩云樂意相關禽對語生香不斷树交花此語 見得盆子實有浩然之氣若他人便亂說道是如何 道亦器但得道在不繁今與後已與人 又曰孟子 又曰內直則其氣浩然養之至則為大人 答公孫丑問何謂浩然之氣曰難言也只這裏便可 如此形而上為道形而下為器須著如此說器亦道 又曰石

飲定四車全書

益子精 義

伊川曰氣有善不善性則無不善也人之所以不知 形容得浩然之氣 順者氣不逆氣順志將自正志順而氣正浩然之氣 曰養心則勿害而已養氣則志有所帥也 又曰志 明純全而昏蹇之患去矣或曰養心或曰養氣何也 善者氣昏而塞之爾孟子所以養氣者養之至則清 也然則養治然之氣也乃在于持其志無暴其氣耳

李朴字先請教先生曰當養浩然之氣又問曰觀張

死之四事人事 一一 只此二句循而行之安得有差有差者皆由不敬不 以方外敬義立而德不孤至於聖人亦止如是無別 卦言聖人之學坤卦言賢人之學雖言敬以直内義 必遠求近取諸身只明人理敬而已矣但是約處乾 為私心所蔽則欲然而餒知其小也思無邪無不敬 途 穿鑿係累自非道理故有道有理天人一也更不 子厚所作西銘能養浩然之氣者也 又曰學者不 分别浩然之氣乃吾氣也養而不害則塞乎天地 孟子精美

金ラロスノー 正也 伊川曰主一無適敬以直內便有浩然之氣浩然須 與道氣皆主于義而無不在道一置私意則餒矣是 明道曰浩然之氣天地之正氣大則無所不在剛 告子外之者盖不知義也 集義所生事事有理而在義也非自外襲而取之也 無所屈以直道順理而養則充塞于天地之間配義 要實識得他剛大直不習無不利 則

楊遵道録伊川語曰至大至剛以直此三者不可闕 但坤卦不可言剛言剛則害坤體然乳子于文言又 語中却與先生說別解至剛處云剛則不屈則是于 曰坤至柔而動也剛方即剛也因問見李籲録明道 此言便不講論到此舊當令學者不要如此編録鏡 直字連下句在學者著工夫處說却先生日先兄無 至剛己帶却直意又可以直道順理而養之則是以 闕一便不是浩然之氣如坤卦所謂直方大是也

次定四事人事 一

孟子精美

聽得轉動便別舊曾看只有李籲一本無錯騙者他 明道曰至大至剛以直不言至直此是文勢如治世 矣 此語只剛則不屈亦未穩當 伊川曰孟子曰其為氣也至大至剛以直養而無害 此盖 語浩然之氣至大至剛且直也能養之則無害 籲却得其意不拘言語皆往往録得都是不知尚有 多只依說時不敢改動或脱忘一两字便大別李

Par Diet mans 大至剛以直以此三者養氣否曰不然是氣之體如 與充塞又早却別是一件事也 又曰其為氣也配 之音安以樂怨以怒粗以属應以殺皆此類 氣之體 又曰凡言充塞云者却似箇有規模底體 用於天地間無室礙否曰此語固好然孟子却是說 此又問養氣以義否曰然 是氣更說甚充塞如化育則只是化育更說甚赞贊 面將這氣充塞之然此只是指而示之近耳氣則只 孟子精美 問塞乎天地之間莫是

事上便言義 又曰配義與道即是體用道是體義 義與道道有冲漠之氣象 是一箇道都了若以人而言之人自是人道自是道 氣與義合矣本不可言合為未養時言也如言道則 其未養則氣自是氣義自是義及其養成治然之氣 伊川曰配義與道謂之義理養成此氣合義與道方 是用配者合也氣儘是有形體故言合氣者是積義 須是以人行道始得言義又言道道體也義用也就

英色四重全里 一 所生者却言配義如以金為器既成則自為金器可 用し 迹然亦儘有形象治然之氣是集義所生者既生得 氣便能充塞天地否曰氣須是義集義所生積集既 此氣語其體則與道合語其用則莫不是義譬之以 之氣既言氣則已是大段有形體之物如言之有甚 金為器及其器成方命得此是金器問人敬以直內 又曰配義與道浩氣已成合道與義道本也義 又曰配道言其體配義言其用 又曰浩然 孟子精義

時自別怎生便能使氣與義合 明道曰只著一箇私意便是餒便缺了他浩然之氣 有一分養得二分便有二分只得敬安能便到充塞 怎生便合得如曰其為氣也配義與道若說無與義 久方能生浩然氣象人但看所養如何養得一分便 處誠者物之終始不誠無物這裏缺了他則便這裏 沒這物浩然之無又不侍外至是集義所生者這 天地處且氣自是氣體所充自是一件事敬自是敬

是餒 简道理不為充存不為禁亡只是人不到他這裏知 浩然之氣非義外襲我而取之也 又曰浩然之氣 間有少私意只是氣虧不義便是集義疑有私意便 惟于心止是防患之術須是集義乃能生 又曰是 所養各有漸所以至于充塞天地必積而後至行不 這上頭莫非義也 又曰集義所生者集衆義而生 此便是明善 又曰氣直養而無害便塞乎天地之 又曰是集義所生非義報而取之也須集義

次定四事全事

孟子精義

土五

憔於心之時自然有此氣象然亦未盡須是見至大 大成若累土為山須是積土乃成山非是山已成形 集義所生非義龍而取之也集義是積義所生如集 是大直便是直于坤卦不言剛而言方者剛則害於 乃名為義一作治然之氣難識須要認得當行無不 取地道坤六二直方大不習無不利方便是剛大便 至剛以直之三徳方始見浩然之氣若要見時且看 地道故下復云至桑而動也剛以其先柔而後云剛

RUN DIEDLY WHILE 剛也直只是對曲而言是直也如此自然不習无不 道坤雖是學者之事然亦有聖人之道或九二是聖 道之精純者至如六五便不同欲得學且只看取地 利坤之六二只為已是地道又是二又是六故為地 無害大只是對小而言是大也剛以其先柔而後云 日必有事者主養氣而言故必主於敬勿作為也心 者之事聖賢之道其發無二但至有深沒大小二是學聖賢之道其發無二但至有深沒大小 勿忘必有事也助長乃正也 又曰必有事馬有事 孟子精美

事是敬也勿正正之為言輕勿忘是敬也正之之甚 也勿忘則是必有事也勿助長則是勿正也後言之漸 於此一作也勿正者若思此而曰善然後為之是正 長未當致纖毫之力此其存之之道若存得便合有 遂至於助長 又曰必有事馬而勿正心勿忘勿助 重須黙識取主一之意 又曰必有事馬謂必有所 勿正事者事事之事勿助長養氣之道當如此 又 曰正是著意忘則無物 又曰必有事馬而

言其上下察也此一段子思喫緊為入處必有事馬 必有事馬只中道上行 又曰為飛戾天魚躍于淵 而勿正心之意同活潑潑地會得時活潑潑地不會 用意却是都無事了又問敬若是静否曰機說静便 或問伊川敬還用意否曰其始安得不用意若能不 得時只是美精神 曰勿忘勿助長之間正當處也 又曰勿忘勿助長 人于釋氏之說也孟子曰必有事馬而勿正勿助長

2 ? JO . ~! ...

孟子精義

ł

問義莫是中理否曰中理在事義在心內茍不主義 馬須當集義只知用敬不知集義却是都無事也又 問必有事馬當用敬否曰敬只是涵養一事必有事 也必有事馬便是心勿忘勿正便是勿助長也 然須心有此恭敬然後著見若心無恭敬何以能爾 敬幣之未將也恭敬雖因幣帛威儀而後發見于外 浩然之氣從何而生 理只是發而見于外者且如恭 朝徳者得也須是得于已然後謂之徳也幣之木

將之時已有恭敬非因幣帛而後有恭敬也問敬義 也且如欲為孝不成只守著一箇孝字須是知所以 何別曰敬只是持已之道義便知有是有非順理而 孝道也入問義只在事上如何曰內外一理豈特事 為孝之道所以侍奉當如何温青當如何然後能盡 行是為義也若只守一箇敬不知集義却是都無事 非僻之心如是則安得不虚必有事馬須把敬來做 上求合義 又曰敬以直內有主于內則虛自然無

九里日本五

孟子精美

金げんでたくいて **隣到德盛後自無室礙左右逢其原也** 之則存捨之則亡然而持之太甚便是必有事馬而 常人所論然持之久必別 又曰今志于義理而心 件事者此道最是簡最是易又省工夫此語雖近似 正之也亦須且恁去如此者只是他孤德不孤必有 不安樂者何也此則正是剩一箇助之長雖則心操 可不篤亦不可助長志不能篤則忘廢助長于文義 也且有益若于道理上助長及不得杜預云優而 又曰志不

大元日101 Colon 侯世與云其年十五六歲時明道先生與其講孟子 好 澤之潤渙然氷釋怡然理順然後為得也此數句煞 明道曰孟子知言即知道也設淫邪道是觀人之言 為一句心勿忘勿助長為一句亦得因舉禪語為况 至勿正心勿忘勿助長云二哥以必有事馬而勿正 柔之使自求之厭而飫之使自趨之若江海之清膏 云事則不無擬心則差其當時言下有省 孟子精美 丸

金少正君人言 而知之亦可以考其書然本意唯為觀人之言也 他者必有言也而曰我于解命則不能者不尚言也 學則觀人可以知言被陷通窮皆離本也宰我子貢 楊墨無有又曰自曾子守義皆說篤實自內正本之 善為說辭冉牛関子顏淵善言德行孔子無之盖有 通解生于不正窮著便道如墨者夷之之解此四者 **叉曰設辭偏敬淫辭陷溺深邪辭信其說至于耽惑** 易所謂尚口乃窮也問我于辭命則不能恐非孟子

Carlottel april 語盖自謂不能解命則以善言德行自居矣恐君子 而已 或不然曰然孔子其之而自謂不能者使學者務之 伊川曰夷惠有異于聖人大成處然行一不義雖得 天下不為與孔子同者以其誠一也 私心則一本無天行一不義殺一不辜有所不為有 臣天下之定理無所逃于天地之間安得天分不有 分毫私便不是王者事 孟子精美 又曰父子君

伐 所丧亦多非我一不辜而得天下不為之事先生 先生在經發日有二同列論武侯事業以為武侯戰 曰有若等自能知夫子之道假使汙下必不為阿好 謂二公語過美殺一不辜而得天下不為謂殺不辜 以私已武侯以天子之命討天下之賊則何害 至阿所好以孔子之道彌綸天壤固賢于克舜而觀 明道曰宰我子貢有若其智足以知聖人汙曲亦不 而言謂其論可信也

事功也 其所好也 生民以來有如夫子者乎然則未為盡論但不至阿 伊川曰語聖則不異事功則有異夫子賢于克舜語

或問夫子賢于竟舜信諸曰克舜豈可賢也但門人

推尊夫子之道以謂仲尼垂法萬世故云爾然三子

次定四部全事

孟子精美

言仰之稱高鑽之彌堅而已後來惟曾子善形容聖

之論聖人皆非善稱聖人者如顏子便不如此道但

生りいる **竞舜非孔子其道能傳後世否曰無孔子有甚憑據** 問夫子賢於竟舜曰此是說功竟舜治天下孔子又 横渠曰知徳之難言知之至也孟子謂我於辭命則 推竟舜之道而重教萬世門人推尊不得不然入問 形容得聖人動容注措甚好使學者究如見聖人 不能又曰浩然之氣難言易謂不言而信存乎徳行 氣象曰子温而属威而不猛恭而安又那 黨一篇

欠足可事人主意了! 解無守近於揣摩說難四者可以盡天下之狂言 解放侈近于燕爱齊物邪解離正近於隘與不恭通 淫邪遁之辭古語孰近畝辭茍難近於並耕為我淫 又以尚解為聖人之道非知徳者達乎是哉又曰該 呂曰北宫熟守外形孟施舍守我氣曾子守約義 善推尊聖人說解冉顏善知聖人徳行而言之仲尼 又曰四解以溢侈偏妄四字推之 又曰宰我子貢 有使且有言孟子言我於解命為能有所尊也 孟子精美

日之力思無邪以養諸內行無不憔以防諸外積之 先博學 窮大必先執中致一必先合兩用權必先 及 有渐至于粹面盎背其充塞之驗與 又曰守約 必 又曰浩然之氣是集義所生其所以充塞天地固非 致一則守固而道離故言附于邪經未正而欲用權 經學不博而求守約則識蔽於小故言入於該中未 則失守而道窮故言流于遁 叉曰敬者見小而不 而欲窮大則心陷於大故言放于淫雨未合而求

陷者務多不務約故其辭淫如司馬遷之類汎濫雜 大水香無津涯罔知所濟離者見左而不見右如楊 駁 不知統要盖陷在眾多之中不能自出如人陷 目不見大道如坐井觀天井蛙不可以語東海之樂 見大故其辭該如申韓只見刑名便謂可以治國此 盖將道分離開故其辭那窮者知所避而不知歸故 子為我墨子燕愛夷清惠和皆只是一偏不能無濟 其解道如莊周浮屠務欲脱去形迹殊無歸著故其

Kry Deal Rights 1

五子精美

金らせるという 言惟欲逃避所惡而不知所向如人逃難不得其所 曾言而不制故或行夏或善殷或從周于樂當正而 誠充其知則將至于不勉而中不思而得故曰仁且 能體如子貢是也惟以致知之明誠其意以反身之 不作故樂正雅頌各得其所如有用者則以其所言 智夫子既聖矣 盆以窮矣 也反身而誠知未必盡如仲弓是也致知而明未必 又曰仁者誠于此者也智者明於此者 又曰仲尼有其徳而無其位于禮

制為之禮以其所正作為之樂故其禮貫先後聖之 精義其政有不盡乎樂集古今之正聲其德有不至 乎可加損者文也不可加損者道也自百世之後觀 時識取 又回敢問何謂浩然之氣孟子曰難言也 之以比百世之王皆莫之能違此子貢所以知聖人 謝曰知言是智養魚是仁浩然之氣須于心得其正 之深謂生民以來未之有也 明道先生曰只他道箇難言也便知他肚裏有爾許

Chain total

孟子精義

大事若是不理會得底便撐拄胡說將去氣雖難言 義明出此事 却須教他識箇體段始得故曰其氣為也至大至剛 過當否曰近之 以直養而無害則塞乎天地之間配義與道者將道 恭敬必勉強不安安肆必放縱不恭恭如勿忘安 而安不成明道先生曰可知是學有多少病在大凡 勿助長正當勿忘勿助長之間須仔細體認取 或問必有事馬是持敬否正是矜持 又曰横深當言吾十五年學箇恭

曰 吾當習忘以養生明道曰施之養生則可於道則 留情故聖人之心如鑑孟子所以異于釋氏此也 正心以待之則先事而迎忘則涉乎去念的則近于 夫必有事馬而勿正何謂乎且出入起居寧無事者 有害習忘可以養生者以不留情也學道則異于是 有德便五服五章天討有罪便五行五用渾不是杜 矣所謂天者理而已只如視聽動作一切是天天命 又曰勿忘人勿肋長正當恁地時自家看取天地見 孟子精義

たんりはんかかう

撰做作來學者直須識天理為是自然底道理移易 體無所不在非指為魚而言也若指為魚為言則上 曾曰吾學雖有所受天理二字却是自家體貼出來 衆生識得天理然後能為天之所為聖門學者為天 不得不然諸子百家便人人自生出一般見解欺誑 之所為故敢以天自處佛氏却不敢恁地做大明道 面更有天在下面更有地在知勿忘勿助長則知此 又曰為飛庆天魚曜于淵無些私意上下察以明道

見天理不用私意也故結上文云君子語大天下莫 之意言上下察也猶益子所謂必有事馬而勿正察 易之也而百姓謂王為愛無以自解所謂不得於言 能載語小天下莫能破 躍于淵猶韓愈謂魚川泳而鳥雲飛上下自然各得 知此則知夫子與點之意 又曰詩云為雅矣天魚 楊曰齊王不忍牛之敵蘇而易之以羊非爱其財而 其所也詩人之意言如此氣象周王作人似之子思

次定四百至事

孟子精美

テ

也不求于心則齊王誠為爱其財而易之矣故不得 **志氣之即則氣從志而已故曰志至馬氣次馬氣之** 於言勿求于心不可夫志者心之所之也而志為氣 者是氣也而及動其心氣壹則能動忘故也 從志則持其志可也 又曰無暴其氣者盖蹶者趙 通天下一氣耳天地其體也氣體之充也人受天地 之中以生均一氣耳故至大集義所生故至剛氣之 帥則氣從之矣故不得於心勿求于氣可 曰 曰

TELDING LINE 助長老子所謂益生也益生不祥忘與助長所趨雖 著明之也 又曰必有事馬勿忘也勿正勿助長也 剛大以直養而無害則塞乎天地之間盖氣之本體 自告于形體故不見其至大不知集義所生故不見 則無二者之害矣 又曰通天下一氣也人受天地 異而其為害則同矣循其固然而順養之無加損馬 也氣無形聲之可名故難言也而以道義配之所以 之中以生其盈虚常與天地流通寧非剛大乎人惟 孟子精義 ニナン

金万世石八章 其至剛善養氣者無加損馬勿暴之而已乃所謂直 慎擇也問伊川先生以必有事馬而勿正為一句如 則握之而搞矣其說是也然將不舍而耘之則宜奈 也用意以養之皆揠苗者也山孰甚馬 又曰養氣 是不草草他議論方是議論 何曰事說勿正則可心說勿正則不可伊川讀書直 何與夫助之長者又何辨此近似之除體之者尤當 之道如治苗然舎之而不耕則有莨莠之傷助之長 **入口伊川以至大至剛**

以直為一句養而無害為一句或曰明道曾言至大 處 而無害較渾全他說話須是與他思量體完力見好 直養而無害莫不妨曰嫌于將一物養一物不如養 至剛之氣須以直養伊川堅云先兄無此說若曰以 不可助長當何如著力曰孟子故曰至大至剛以直 養而無害則雖未當忘亦不助長 問伯夷柳下惠 如何見得能朝諸侯有天下曰只看顏子在陋卷便 問必有事而勿正心勿忘勿助長既不可忘又

とこういっていから

孟子精美

動玩四居有電 夷惠之風能使頑夫庶懦夫有立志鄙夫寬薄夫敦 奮乎百世之上而間者莫不與起則其未有為之時 做得禹稷事業則夷惠之能朝諸侯有天下可知聖 惠之和則聖人之和也故盖子曰皆古聖人也未至 效宜如何 於大成故乳子曰賢人而已 人之得邦家綏之斯來動之斯和自是力量不同如 固己心悦而誠服之矣使得百里之地而君之其 又曰論伯夷之清則聖人之清也柳 尹曰孟子當一國之

大王司的人 賣之勇孟子因言北宫 颗之必為孟施舎之不懼曾 是非優劣以告公孫丑 而又言已知言養氣之說詳 任行至聖之道而無所動心故公孫丑以為過于孟 言而養氣知言者知道故也養氣者合理也知道則 子子夏之徒養勇以不動其心及夫告子之不動心 馬雖然北宫熟之徒能養勇耳未知道也孟子則知 為矣哉或不能知言而養氣則必動其心動其心則 是非無不判該淫邪遁之害無不知齊國之任不足 孟子精美

金ラでたノー 養氣之說學者所宜潛心也所謂浩然之氣者天地 發于政而害于事矣雖然至德難言也故孟子推尊 養之不養則為私心所敬而餓矣夫帥氣者在養志 體則名曰道其用則名曰義學者能識之然後可以 聖人無以加者孔子而已矣臣間之師程頤曰孟子 乳子而自以為不能至于聖人則不敢居馬歷論古 之正理吾之所固有也其為氣也至大至剛以直其 養志者在直內養之如何必有事馬不可正也不可

次定 四車全書 孟子曰以力假仁者霸章 子甲孔子者也如何曰不須如此較優劣惟韓退之 尹曰王霸之優多如此而當時之君 莫能為此天下 忘也不可助長也主一而已直内而已存而勿失而 說得最好自竟舜相傳至孔子孟子 以道言以孔子賢於堯舜私孔子者也以孟子 配乳 之間飲之則退藏于密真學者之要務也或問見 一如是則集義而能配義與道施之則充塞乎天地 孟子精美

孟子曰仁則榮章 孟子曰尊賢使能章 知言矣 禍福無不自己求之者孟子引詩云自求多福可謂 **美國家間眼般樂怠傲不修政刑雖小國必侮之矣** 尹曰賢者在位能者在職明其政刑雖大國必畏之 伊川曰廛而不征市宅之地已有塵稅更不征其物 之所以不定于一也

法而不廛税有常法不以廛故而厚其税廛無夫里 不從故湯武得天東之稱 呂曰奉行天命之謂天吏廢與存亡惟天所命不敢 也 之布塵自有稅無此二布 國之民仰之如父母而無敵於天下又何疑馬然則 尹曰士皆願立於其朝商皆願藏於其市旅皆願出 於其路農皆願耕於其野民皆願為之氓如是則鄰 又曰順天為政者天吏

次定四事全書 へ

孟子精美

孟子曰人皆有不忍人之心章 天耳始則不知愛物俄而至於忍安之以至於殺充 伊川曰心生道也有是心斯具是形以生惻隱之心 安可使之不顧哉 之隱應也此仁之端緒赤子入井其顏有泚推之可 之以至於好殺豈人理也哉 人之生道也雖禁跖不能無是以生但戕賊之以滅 明道先生見謝顯道記聞甚博謂之曰賢却記 又曰惻惻然隱 如物

欽定四庫全書 人 只此便是惻隱之心見然有 得許多可謂玩物丧志顯道不覺身汗面亦先生曰 側隱之心仁也後人遂以爱為仁惻隱固是愛也爱 思之將聖賢所言仁處類聚觀之體認出來孟子曰 仁盖為前已言惻隱之心仁之端也既曰仁之端則 自是情仁自是性豈可專以愛為仁孟子言惻隱為 不可便謂之仁退之言博愛之謂仁非也仁者固博 愛然便以博 愛為仁則不可 五子精義 問仁曰此在諸公自 Ť

固一 四者有端而信無端只有不信更無一作信如東西 仁義禮智信于性上要言此五事須要分別出仁則 明道曰羞惡則有所不為知所止乃義之端 則是有不信如東即東西即西則無不守信 南北已有定體更不可言信若以東為西以南為北 仁之門而恕非仁也因其惻隱之心知其有仁惟 問伊川四端不及信何也曰性中只有四端却無 所以為仁惻隱則屬愛乃情也非性也恕者 曰

的定四車全書 問疑曰不如此說若如此說時只說一箇義字亦得 矣 信為有不信故有信字且如今東者自東西者自西 說約處則博學詳說而反說約此內外交相養之道 孟子則是氣 又曰孟子論四端處則欲擴而充之 **入曰四端不言信者既有誠心為四端則信在其中** 何用信乎只為有不信故有信字又問草在四端之 又曰四端不言信信本無在在易則是至理在 又曰人皆有是道惟君子為能體而用之不能 孟子精美 =

而已 傷吾心非譬之也然後知天下皆吾體生物之心皆吾 四海尚不充之不足以事父母夫充與不充皆在我 體而用之者皆自棄也故孟子曰茍能充之足以保 阐 固極深與物隔絕故其心靈枯于一身而不達于外 心彼傷則我傷謀慮所及非勉強所能彼忍人者蔽 呂曰人皆有不忍人之心忍之則憯怛而不安盖實

たとりまたまます 謝曰人須是識其真心見孺子將八井時是真心也 非思而得也非勉而中也 又曰格物窮理須是識 於孺子父母兄弟惡其聲而然即人欲耳天理與人 今人不見孺子將入于井皆有怵惕惻憶之心方尔 得天理始得所謂天理者自然底道理無毫髮杜撰 即勝得一分人欲人欲纔肆天理滅矣任私用意杜 見時其心怵惕所謂天理也要譽於鄉黨朋友內交 相對有一分人欲即減却一分天理存一分天理 孟子精義

撰做事所謂人欲肆也故莊子曰去智與故循天之 體傷于彼而吾之心感應于此仁之體顯矣故君子 孟子曰君子親親而仁民仁民而愛物此自然之序 游曰側者心之感于物也隱者心之痛于中也物之 理若在聖人分上即著循字不得 民次之 而死於民乎况于親戚乎故惻隱之心莫除于親而 之於禽獸見其生不忍見其死見其全不忍見其傷

或問何以知仁楊氏曰孟子以惻隱之心為仁之端 也 彼爱無差等者失其本心也已 又曰惻隱痛傷 歸仁馬 心體之本然則萬物一體矣無物我之間也故天下 至也因心則然此惻隱所以為仁之端也至于充其 也傷在彼而我傷之痛在彼而我痛之傷痛非自外 見之者必有惻隱之心疾痛非在己也而為之疾痛 平居但以此體究久之自見且孺子將入于井而人 Ŧ

中自打不過豈自外來如云辭遜之心禮之端夫 謂薛曰前後例如此近日以事多與此等稍缺 禮起聖人之偽真箇是因問之曰所以召茶者何 欲但不得已耳老子曰禮者忠信之薄首子曰 諸職事會茶曰禮豈出于人心如此事本非意之所 究 心中打不過須一請之曰只為前後例合如此 耶曰出于自然不可已也曰安得自然如此若體 此理知其所從來則仁之道不遠矣 辞宗博請 濶

此是禮非偽為也 又曰孟子曰人之有四端猶其 闕一不可亦無先後之次老子言失道而後德失德 有四體也夫四體與生俱生一體不備謂之不成人 此辭遜之心禮之端亦只心有所不安故當辭遜只 亂之者此可謂不知道德仁義禮者之言也謂禮為 而後仁失仁而後義失義而後禮禮者忠信之薄而 忠信之簿是特見後世為禮者之與耳先王之禮本 諸人心所以節文仁義是也顏所用如何豈有先後

次定四事全書 ~

孟于精義

雖然老子之薄而末之者其意欲民還淳及樸以救 尹曰人之有是四端得于天者然也苟能推不忍人 此四端所以稍人又有四體也 矣若去禮是去君臣父子之道也而可乎惟不可去 天下豈有此理夫禮文其質而己非能有所增益也 之心以及民則民歸之如父母矣尚不能推此心以 故禮行而君臣父子之道得使一日去禮則天下亂 時之與而已夫果能使民還淳及樸不亦善乎然

孟子曰子路人告之以有過章 孟子曰矢人豈不仁於函人哉章 及民則不足以事父母况其他乎非失其本心而何 伊川曰聞善言則拜禹所以為聖人也以能問不能 明道日子路人告之以有過則喜亦百世之師也 尹曰人之擇你不可不慎也如此

次定四軍全書

孟子精美

ŧ

以多問寡顏子所以為大賢也後之學者有一善而

自足哀哉 又曰舍已從人最為難事已者我之所

横渠曰君子為天下達善達不善無物我之私循理 日樂取于人為善便是與人為善與人為善乃公也 有雖痛舍之猶懼其守己者固而從人者輕也 謝曰子路百世之師揀難割捨底要不做便不做故 達善達不善 者共悦之不循理者共改之而已共改之者過雖在 而為少以與人馬善以天下不善以天下是之謂 如在已不忘則訟馬共悦之者善雖在已善取諸

孟子曰伯夷非其君不事章 曰夷 惠其道隘與不恭乃心何罪 又曰孔子之時 不恭君子不由非是瑕疵夷惠之語其與至此 伊川曰思與鄉人處此孟子拔本塞源 又曰監與 尹曰有過而不能改各也喜者改而不各舍已而從 孟子將來與舜禹作一處舉揚 此其所以為大也

Kind morrol Miss

道雖不明而異端之害未甚故其論伯夷也以德益

孟子精義

金少四人人 學道未盡乎聖人則推而行之必有害矣故孟子推 塞源不能也 其學術而言之也夫關邪說以明先王之道非拔本 曰伯夷柳下惠足以庶貪敦簿故可為百世師論其 世師至其流風之與隘與不恭則君子不由也 楊曰伯夷柳下惠之風聞之者莫不與起故可為百 子之時道益不明異端之害滋深故其論伯夷也以 學則必至于隘與不恭此君子所以不由也 問伯


世之下間其風者碩夫康懦夫有立志此是甚力量 與不恭者何也孟子非謂夷惠為聖人也得聖人之 夷聖人猶有隘何也曰此自氣禀不同耳若觀其百 極清極和者耳夷惠之清和聖人清和也而其流之 尹曰孟子謂伯夷聖之清柳下惠聖之和而又曰監 樊必至于隘與不恭故君子立教拔其本而塞其源

次是四重全華

孟子精莪

克

金ラいろん 孟子精義卷三 卷三



孫丑猶不諭其古况餘人乎此景丑氏所以問也夫 不往明日出吊盖取瑟而歌之意欲其知之也雖公 非君也無所逃於天地之間則君命召不俟駕行矣 魏無不可者非一國所能專制也故士於斯時有不 禮也周衰諸侯各擅其土地士不遇於齊則之楚之 逃于天地之間是之謂大戒先王之時天下定于 天下有大戒二臣之事君義也無適而非君也無所 尺地莫非其有一民莫非其臣也則士于其時無適

大之日后公野 陳蘇問曰前日於齊章 孟子謂蚔電章 孟子之平陸章 為臣之義時君尚無尊德樂義之誠心不足與有為 尹曰君子之辭受惟當於理而已 尹曰君子之行止進退衆人固不識也類皆如此 尹曰王於距心皆知其罪而莫能改也 則雖欲亟見之且不可得况得而召之乎 孟子精 关

金与四周分量 孟子自齊獎于魯章 孟子為卿於齊章 尹曰智者不失人亦不失言 尹曰進退久速皆當於理而己 尹曰生事之以禮死葵之以禮盡夫孝心而已矣

沈同以其私問章

楊曰燕固可伐矣故孟子曰可使齊王因孟子之言

而遂伐之誅其君而吊其民何不可之有而其虐至

TU. 言非也 尹曰惟義可以伐不義不然君子不與也 于係累其子弟而後燕人叛之以是而歸罪益子之 憂亦憂衆喜亦喜盖天理人情於是為至舜之於象 伊川曰周公之於兄舜之於弟皆一類觀其用心為如 何哉推此心以待人亦如此然有差等美 又曰象 八畔章

大是四年公司

周公之於管叔其用心一也夫管叔未嘗有惡也使

孟子精美

金少四をとう 孟子致為臣而歸章 周公逆知其將畔果何心哉惟其管叔之畔非周公 呂曰周公不知管叔將畔而使之周公之過也周公 所能知也則其過有所不免矣故孟子曰周公之過 不亦宜乎 無過則宜如舜之使象 之心以弟待凡度其必不畔親親之思過厚爾若求 川曰齊王謂時子欲養弟子以萬鍾而使國人有

大とりにんかう !! 孟子去齊宿於畫章 孟子去齊尹士語人日章 所於式孟子何為拒之曰王之意非尊孟子乃欲縣 徒也而客之言不出於子思繆公之事故孟子不應 之事緣公惟恐公之見棄也孟子之進退則子思之 尹曰緣公之待子思惟恐子思之不留也泄柳申詳 之耳故孟子拒而不受 孟子精義 四

陳其不得見君與告君又陳其此誠之不訴也 深者也君臣猶父子安得不怨故直于寤寐弗忘永 **象孟子之於齊是甚君臣然其去未當不遲遲 顧戀** 見君又自誓不訴而實如此也據此安得有賢者系 伊川曰考樂之詩解者謂賢人永誓不復告君不復 楊曰考樂之詩曰永矢弗過說者曰誓不過君之朝 解者之誤此詩是賢者退而窮處心不忘君然慕之 今此君才不用便躁忿如此是不可發也乃知此詩

常夷甫之子立立對曰古之人盖有視其君如寇響 者此尤害理何則孟子所謂君之視臣如大馬則臣 非也矢陳也亦曰永言其不得過耳昔者有以是問 固有之若君子之自處豈處其薄乎孟子曰王废幾 改之予日望之君子之心盖如此考縣之詩雖其時 視君如寇雙以為君言之也為君言則施報之道此 君使賢者退而窮處為可罪夫尚一日有悔過遷善 之心復以用我我必復立其朝何終不過之有

次足日Lat Astalo

孟子精美

孟子去齊充虞路問日章 會夜夢人問王由足用為善何以見語之曰齊王只 孟子可謂盡此理矣尹士何足以知之 尹曰易卦晉之初六曰晉如推如真吉因學裕無咎 之道矣何善之能為 心不然而謬為大言以欺人是人終不可與入竟舜 是樸實故足以為善如好貨好色好勇與夫好世俗 之樂皆以直告而不隱于孟子其樸實可知若乃其

消催促他 體用大約是如此豈可惟促他又云大數則是然不 其間必有名世者以其時考之則可矣他點識得此 伊川曰時上儘窮得理孟子言五百年必有王者與 文也匡人其如予何喪乃我喪未喪我自做著天裏 將喪斯文也後死者不得與於斯文也天之未喪斯 明道曰夫天未欲平治天下也如欲平治天下當今 之世舎我而誰此是有所受命之語若孔子謂天之


とこうこれ かれり

孟子精美

動好四屆全書 能合一 覺耳孟子地位未能到此故曰夫天未欲平治天下 聖賢之言氣象自別又云孔子於天之將喪斯文下 與天為一矣盖聖人德盛與天為一出此等語自不 便言後死者不得與於斯文則是文之與喪在孔子 尹曰道之行與不行亦時而已聖賢自任之重如此 何不豫之有 如欲平治天下當今之世舎我其誰聽天所命未

孟子去齊居休章 少是四年主 其禄以觀可否在上者亦不欲便臣使之 横渠曰古之人亦有仕而不受禄者仕者未嘗遽受 尹曰進退解受不可以無義 孟子精義

孟子精義卷四



金少口不力雪 有清濁禀其清者為賢禀其濁者為愚可變否曰可 也性即是理理則自竟舜至塗人一也才禀于魚氣 可移之理 是也然却道他不可移不得性只一般豈不可移却 自棄者則不移也曰下愚所以自暴棄者才乎曰固 問顏子勇乎曰熟勇于顏子觀其言曰舜何人也子 被他自暴自棄不肯去學故移不得使肯學時亦有 乳子謂上智與下愚不移然亦有可移之理惟自暴

滕定公薨章 虚犯而不校之類抑可謂大勇者矣 尹曰人之性無不善盖無有間善而不信者也茍能 何人也有為者亦若是孰勇于顏子如有若無實若 自信何患不至乎孟子可謂諭之以道 伊川曰禮者因人情者也人情之所宜即義也三年 之服禮之至義之盡也 周則天道一變人心亦隨以變惟人子孝于親至 問喪止於三年何也曰歲

次 全四重全事

五子情 義

滕文公問為國章 時 此猶未忘故必至再變再變猶未忘故又繼之以 伊川曰孟子論三代之學其名與王制所記不同恐 無所遇悲夫 不信滕文公信孟子其效若此而孟子轍環天下交 产曰聖賢之道繁于行與不行人之間道在于信與 漢儒所記未必是也 又曰卿以下必有主田祭祀

次定司事心事 一 常相稱豈有人多地少之理 又曰必井田必封建 是餘夫也俟其成家别受田也 父母下妻子以五口至八口為率受田百畝如有弟 不病做封建而使之而民不勞做肉刑而用之而民 必肉刑非聖人之道也善治者做井田而行之而民 否曰豈有古可行而今不可行者或謂今人多地少 之田也禄外之田也 不然譬諸草木山上著得許多便生許多天地生物 孟子精美 又曰 餘夫二十五畝一夫上 或問井田今可行

金罗巴尼八里 必先經界經界不正則法終不定地有坳垤處不管 寬平可以畫方只要用算法折計地畝授民先生謂 横渠曰野九一而助郊之外助也國中什一使自賦 聖人因一時之利而制之也非先生語 郊門之內通謂之國中田不并授故使十而自賦其 只觀四標竿中間地雖不平饒與民無害就一夫之 不怨故善學者得聖人之意而不取其迹也迹也者 也先生與二程先生論井法二程謂地形不必謂

大足可事主題 助其田則就得井處為井不能就成處或五七或三四 畝之數而授之無不可行者如此則經界隨山隨河皆 或一夫其實田數則在又或就不成一夫處亦可計百 問所争亦不多又側峻處田亦不甚美又經界必須 正南北假使地形有寬族尖斜經界則不避山河之 不害于畫之也当如此畫定雖便使暴君汙吏亦数百 川云至如魯二吾猶不足如何得十一也先生言百 年壞不得經界之壞亦非專在秦時其來亦遠矣伊 孟子精義

金がりにたといる 畝而徹言徹取之徹則無義是透徹之徹透徹而耕則功 可輕示人恐致笑及有議論先生謂有笑有議論 衰分之以衰分之數取十一之數亦可或謂井議 何先生云如有能者則己願受一廛而為氓亦幸也 方有益也或曰若有人間其說取之以為已功則如 力均且相驅幸無一家得情者及己收獲則計函數 察伊川言亦未可言民情怨怒止論可不可爾須使 明道言井田今取民田使貧富均則願者眾不願者 則

者伊川言不行于當時行于後世一也先生曰徒善不 員平直須是要規矩二程又問官戶占田過制者如 有仁心仁間而政不行者不由先王之道也須是法 足以為政徒法不能以自行須是有行之之道又雖 所以行之之道先生言豈敢其止欲成書庭有取之 上下都無此怨怒方可行伊川言議法既大備却在 何先生云如又曾有田極多只消與五十畝采地儘 先王伊川言孟子於此善為言只竭目为馬能盡方

大足り早全町

孟子精莪

多又問其他如何今之公卿舊有田多者與之采地多 苟而已世之病難行者未始不以亟奪富人之田為 論治人先務未始不以經界為急講求法制聚然備 先生行狀云先生慨然有意三代之治望道而欲見 仁政必自經界始貧富不均教養無法雖欲言治皆 緊與之則 無以別有田者 解然兹法之行悦之者衆尚處之有行期以數年不 具要之可以行于今如有用我者舉而措之爾當曰

共 買田一方畫為數井上不失公家之賦役退以其 苗恤患敦本抑末足以推先王之遺法明當今之可 不能行之天下猶可驗之一鄉方與學者議古之法 刑一人而可復吾所病者特上之未行耳乃言曰縱 私正經界分宅里立斂法廣儲蓄與學校成禮俗救 呂曰古之取民貢助徹三法而已較數歲之中以為 行此皆有志未就

シショーショー

常是為貢一井之地八家八家皆私百畝同治公田

孟子精義

金グロスハー 楊曰夏后氏五十而貢殷人七十而助周人百畝 于百畝是為徹 百畝是為助不為公田俟歲之成通以什一之法取 賦則貢法矣此周人所以為徹也鄭氏謂周制畿内 月力 微衛者徹也盖兼 貢助而通用也故孟子請野九一 用貢法邦國用助法有得于此與 百畝其中為公田所謂九一而助也國中什一使自 國中什一使自賦方里而井井九百畝八家皆私 而 而

有為神農之言者許行章 國而已行而無助類皆如此可為與數也 之事失其義理者猶之陰陽醫方稱黃帝之說是也 伊川日許行所為神農之言乃後世稱述當時義農 之用于世其心一揆使孟子之言得行豈特善于一 尹曰傅說有言事不師古以克永世匪說攸聞聖賢 如此只為于已道無所得故不能安雖曰聞道終不 又曰儒者其卒必多入異教其志非願也其勢自然

大小Dint With 10

孟子精 莪

x

金与四月石書 博淵泉而時出之也須是先有溥博淵泉也方始能 曾實有之 又曰氣有盛則必有衰衰則終必張盛 時出自無溥博淵泉豈能時出之大抵氣化在人 裳必得竟舜然後垂衣裳據如此事只是一箇聖人 若冬不春夜不畫則氣化息矣聖人主化如禹之治 都做得了然必須數世然後成亦因時而已所謂溥 水順則當順之治則須治之古之伏羲豈不能垂衣 般聖人于其中只有功用放熟日勞之來之匡之直

者示人可以常久 少事豈肯如此 性與天道不可得而聞子貢盖于是始有所得而歎 明道曰子貢曰夫子之文章可得而聞也夫子之言 之輔之翼之正須如此一六竟之于民臣直輔真聖賢 歸則其志亦可見他人如子貢之才六年中待作多 亦可謂純矣然觀其于孔子沒築室于場三年然後 之以子貢之才從夫子如此之久方數不可得而間 孟子精義

欠 こううんかう

伊川曰孔子門人自孔子沒後各自離散只有曾子 者治人勞力者治於人治於人者食人治人者食於 呂曰言治者必曰太平習聞其名而未見其象勢心 便不可自子貢以上必皆不肯 便别子夏子張子游欲以所事孔子事有若獨曾子 不足則貧富均矣至于禄厚者責重禄簿者責輕役 重則賦輕 役輕 則賦重視其迹若参差不齊要其 則勞快平矣富有天下不為有餘貧食百敢不為

楊曰舜之臣二十有二人而孟子曰舜有臣五人而 爲獸草本其先後之常序宜如此也不同亦時馬而 論五人者命益使烈山澤而焚之在禹之先天下既 草木暢茂禽獸偏人則禹雖欲施功未可也故孟子 則又太平之著見者也 實則其道如砥若夫以封建均邦國以井田均萬民 天下治所謂五臣者孟子所稱者是也夫洪水横流 平則命益若鳥獸草木乃在皐陶之後益治人與若

欠在一日·自己心上了 五子精義

獨推皐陶何也日舜徒得此两人而天下已治故也 夏亦言舜有天下選於東舉阜陶不仁者遠矣蓋有 餘人不與馬孟子曰舜以不得禹皐陶為已憂而子 陶之職所施於外者為詳故皇 陶雖不可以無禹而 官合為一觀舜之命皇随蠻夷稍夏是其責也則是 禹媳百揆而皋陶施刑内外之治舉矣古者兵刑之 禹亦不可以無鼻陶是以當舜之欲傳位禹獨推之 問舜之時在廷臣多美至傅禹以天下而禹 といりまるといれて 墨者夷之章 見乎此 則又有學孔孟之道而忘於異端邪說者此道之所 孟子力關許行之言歸之正道可謂盡善盡美矣雖 户曰異端邪說眩惑時君各欲售其說者豈有既哉 以益難明也亦時之不幸也夫 然古之為異端者則亦自處於異端而已至於後世 伊川曰墨子爱其兄之子猶隣之子墨子書中未當 孟子精美

我好四月白雪 有此等言但孟子拔本塞源知其流必至於此故直 之也 横渠曰夷子謂愛無差等則二本也彼有取爾也謂 赤子匍匐将入井非赤子之罪也所取者在此 尹曰老吾老以及人老一本也愛無差等二本也! 孟子精義卷五 為後世之惑豈有既乎 本者理也二本者偽也夷子之道無孟子以命之其